

彊

識

畧

通識畧十五卷

崇陽吳楚材國賢編

龔衍材國銓校

文事部

字書

結繩書契取諸夬見易蒼頡造文字見世紀

按說文依類象形謂之文形聲相益謂之字著於  
竹帛謂之書書有六義指事象形諧聲會意轉注  
假借自黃帝至三代其文不改秦燒先典乃廢古  
文更用八體一曰大篆周宣王史籀所作也二曰  
小篆始皇時李斯趙高胡毋敬所作也大小篆並  
簡冊所用也三曰刻符施於符傳也四曰摹印施

於印璽也五曰蟲書爲蟲鳥之形施於幡信也六曰署書門題所用也七曰殳書銘於戈戟也八曰隸書始皇時程邈所定六行公府也漢氏因之至王莽居攝使甄豐刊定六體一曰古文二曰奇字三曰篆書四曰隸書五曰綠書六曰蟲書當代以教學童焉又衛恒四體書勢曰漢興又有草書不知作者蓋兩漢銘勒雜以古文篆籀及八分爲之魏晉以還隸文遂盛蕭子良古今篆立文體有藁書楷書蓮書懸針書垂露書飛白書填書真書烏書虎爪書偃波書鶴頭書象形篆尚方大篆鳳鳥

書科斗蟲書龍虎書仙人書芝英書十二時書倒  
薤書龜書麒麟金錯書蚊脚書凡數十種皆出於  
六義八體之書而因事生變者也見初學記

厄言云自張懷瓘以十體斷書鄭昂論文字之大  
變八其意蓋取程邈以後之隸與鍾王之今楷合  
而一之不然則是取漢碑之隸皆屬之於八分而  
單以隸為楷也歐陽永叔以八分為隸洪适因之  
而豐道生直斥其妄據道生之意以隸為八分以  
真為隸也即吾所疑張鄭之後說也夫以分為隸  
歐陽氏之誤小以隸為分以真為隸豐氏之誤大  
也以吾所見唯皇象天發神識有五分之篆蔡邕  
夏承有四分之篆疑此即所謂八分而八分以其  
不易習故少傳耳衛恒所贊隸勢如砥平繩直規  
旋矩折脩短相副奮筆輕舉離而不絕等語亦自  
正書不甚應其為古隸無疑者後閭陸子淵書輯  
云秦興同天下之書而李斯遂書世宗時則趙高  
胡毋敬改省描篆同謂之小篆程邈所上務趨便

提謂之隸書王次仲分取篆隸之間謂之八分自  
邀以隸鍾王變隸謂之今隸合秦漢謂之古隸庾元  
漢造為散隸義獻復變新奇別以今隸謂之楷法  
黃庭樂毅謂之小楷史游解散隸隸謂之章草張  
伯英之法謂之章書衛瓘復采芝法燕乎行書謂  
之草草義獻謂之書謂之今草構結微眇者謂之小  
草復有所謂游絲之草宋蔡襄為飛草謂之散草  
劉伯昇小變楷法謂之行書燕真謂之真行帶草  
謂之草行蔡邕所作輕微大字謂之飛白自餘諸  
軀以類生矣蓋自是而隸與八分之說始明受禪  
勸進即鍾氏之古隸也尚書宣示墓田丙舍戎路  
表即鍾氏之今隸也飛白即古隸今隸蕭子雲頗  
作篆皆大書用第筆輕拂過或有帶行者其隸若  
白而勢若飛今亦不傳矣今人稱真草隸篆雖失  
作者之意然古隸今隸方圓勁婉隸自難合析為  
真隸似亦未為不通  
吾衍曰秦隸者程邈以文檮繁多難以用篆因戒  
小篆為徑用之法故不為隸勢右漢欽法篆字相  
近非有批法之隸也即是秦惟秦量上刻字人多

不知亦謂之篆八分則漢隸之末有挑剔者比秦  
則易識比漢隸則微似篆者用篆筆作漢隸則  
得之矣由此而言則次仲所成八分恐存隸八分  
就二分也衍之此論一洗懷瓘千古之疑盡闢豐  
氏恣談之陋  
沈存中云古人以散筆作隸書謂之散隸近歲蔡  
君謨又以散筆作草書謂之散草或曰飛草其法  
皆生於飛白章草古隸之變也行草今隸之變也  
芝旭草又行草之變也行書有二有真帶行者如  
右軍蘭亭霜寒來禽官奴之類是也正行配者如  
軍旦極寒雪  
晴晚復是也

法帖 王羲之蘭亭帖自謂有神助留付子孫此法  
帖之始也宋太宗摹漢晉梁唐陳帝王諸人蒼頡  
至羲獻書名淳化閣帖頒刻于潭州名潭帖翻刻  
于泉州名泉帖又有增入別帖者名絳帖汝帖皆

因於此 陶九成載諸帖始末云太清樓者徽宗建中靖國間出內府續所收書令刻石即今續法帖也大觀中又奉旨摹榻歷代真蹟刻石於太清樓字行稍高而先後之次與淳化則少異其間數帖多寡不同卷末題云云乃蔡京書也而以建中靖國續帖十卷易去歲月名銜以為後帖又刻孫過庭書譜及貞觀十七帖總二十二卷為大觀太清樓帖絳帖者尚書郎潘師旦以官帖摹刻於家為石本而傳寫字多譌舛世稱為潘駙馬帖其次序卷帖雖與淳化不同而實則祖之特有增益耳

後潘氏拆居分而為二絳州公庫乃得其一補刻  
餘帖名東庫本逐卷逐段各分字號以日月光天  
德等二十字為次序後避完顏亮諱於庚亮帖內  
皆去亮字右邊轉筆謂之亮字不全本又有新絳  
本北方別本武岡新舊本福清烏鎮彭州資州本  
本前十卷等類皆絳帖之別也潭帖者慶曆中劉  
丞相帥潭日以淳化官帖命慧照大師希白摹刻  
不置郡齋增入傷寒十七日

王濛顏真卿法帖而  
字行頗高與閣本差

不同歲月亦異中間謬處甚多潭帖之別則有劉  
丞相私第本長沙碑匠新刻本三山木本蜀本廬  
陵蕭氏本等類甚多戲魚即館江帖也元祐間劉  
次莊以閣帖十卷摹刻戲魚堂除去篆題而增釋



文慶元中四川總領權安節又重摹於利州黔江者黔人秦世章模希白帖載入黔中壁之黔江紹聖院後有湯世臣重摹字昂帖板本校諸帖增最多此外有淳熙脩內司本北方印成本烏鎮張氏福清李氏本劉後村云閣帖為祖緋帖次之臨江又次之潭又次之武岡又次之大觀尤妙

書篆

蔡邕見鴻都門匠人施聖第遂創意為飛帛

書唐李向工草隸能一筆環寫百字若縈髮然世

號連綿書張伯英謂之草聖崔瑗謂之草賢索靖

草書婉若銀鈎飄若驚鸞司馬承禎別為一篆名

金剪書漢詔板象形鶴頭蚊脚唐李陽冰窮八篆

室隔一千年與秦斯相見號為筆虎應用善寫細

字一錢上寫心經粒麻上寫國泰民安四字長沙

僧懷素自言得草聖三昧鍾繇見蔡邕筆法推曾  
嘔血衛夫人見王羲之書流涕曰此子必蔽吾名  
虞世南學書於智永歐陽詢學書於羲之衛瓘得  
伯英之筋索靖得伯英之肉王逸少如烟霏霧結  
鳳翥龍盤鄭虔如風送雲收霞催月上三品則神  
妙能五字則撇押鉤格抵此學書之大畧也梁武帝云  
鍾繇書如雲鵲游天群鸞戲海王羲之書如龍跳  
天門虎卧鳳閣張芝如漢武好德憑虛欲僊蔡邕  
骨氣洞達如有神氣蕭子雲如危風阻日孤松一  
枝羊欣如大家婢為夫人舉止羞澁終不似真王  
獻之如河間少年皆悉光悅索靖如飄風忽舉驚  
鳥乍飛王僧虔如王謝子弟之爽自有一種風流  
袁相如深山道士  
見人便退縮書斷

法書

天下法書自諸集帖外其右碑宋榻猶有存

者古篆峒嶺禹碑石鼓文秦相嶧山碑古隸則魏

受禪勸進表鴻都石經仲弓殷阮司空王純逢童

碑陰耿氏鐙巴官鐵盆武氏石室像贊何軍閣道

太山孔宙耿球蔡湛魯峻陳咏州輔楊馥楊震劉

寬劉熊張遷景君武班西嶽華山梁鵠孔廟諸碑

隸兼分者蔡邕夏承碑分兼篆者皇象天發碑小

楷褚河南陰符柳誠懸度人真書

蕭誠開善法師  
丁道護啟法師

興國寺史陵禹廟虞永興夫子廟堂歐陽率更九

成醴泉銘虞恭公化慶寺皇甫府君子蘭臺道因

褚河南孟法師張長史郎宣壁顏魯公多寶塔元

次山墓碑宋文貞碑及碑側記東方畫贊家廟茅

山八關齊功德千祿裴淮少林蕭誠南嶽真君張  
從中茅山柳誠懸玄秘塔復東林寺紫絲教西平  
王諸碑行書陳仁聖教神河南枯樹聖教李北海  
岳龍寺雲麾將軍梁遷寺法華寺顏魯公爭坐位  
祭濠州伯父季明姪文王緇清源公岬草書唐文  
皇屏風懷素自叙藏真聖母張旭春草孫虔禮書  
譜真草永法師千文皆灼灼有名者也餘詳見藝苑卮言附錄

畫 一作績事又作繪書以五采彰施五色周禮設

色之工謂之畫又書予欲觀古人之象云 又左

傳五色比象又丹青又心匠又目想心存南齊謝

赫曰畫有六法一曰氣韻生動二曰骨法用筆三

曰傳模移寫骨法以下五端可學而能氣韻必在

生知宋劉道醇曰畫有六要六長氣韻兼力一要  
也格制俱老二要也變異合理三要也彩繪

有澤四要也去來自然五要也師學舍短六要也  
籠鹵求筆一長也僻澁求力二長也細巧求力三  
長也狂怪求理四長也無墨求染五長也平盡求  
長六長也既明此六要又審彼六長自然知悟宋  
郭若虛曰畫有三病皆繫用筆一曰板謂腕弱筆  
痕全虧取與狀物平拙不能圓渾二曰刻謂運筆  
中疑心手相戾向畫之際妄生圭角三曰結謂欲  
行不行當散不散似物凝礙不能流暢競自然曰  
畫有十二忌一曰布置拍密二曰遠近不分三曰  
山無氣脉四曰水無源流五曰境無夷險六曰路  
無出入七曰石止一面八曰樹少四枝九曰人物  
偃僕十曰樓閣錯雜十一曰滄淡失宜十二曰點  
染無法又辯古畫在用筆  
設色與絹素見格古要論

難易 顧愷之云畫人最難次山水次狗馬若臺閣

一定器耳又韓子云狗馬難鬼神易

源流 名畫記云畫者敷教化助人倫窮神變測幽

徵與六籍同功四時並運自昔龜宇効靈龍圖呈  
寶自巢燧已來皆有瑞迹至庖犧發於滎河黃帝  
得於溫洛中倉頡狀焉今分為三古以漢魏三  
國為上古則趙岐劉裒張諸葛亮等以晉宋為

中古則明帝荀勗顧愷之景秀等以齊梁北齊後  
魏陳後周為下古則姚曇謝赫張僧繇顧野王等

隋及唐為近代則董伯仁范長壽閻立德等上古

迹簡而意淡顧陸之流是也中古之畫細密而精  
徵展鄭之流是也吳玄縱以惟石崩灘山水之變  
始於道玄成於李思訓父子樹石之狀妙於韋  
窮於張通又若王右丞之深重楊僕射之奇瞻王  
宰之巧密劉商之取象又近代之畫繁爛而求備  
今人之畫錯亂而無旨衆工之迹是也又人物以

形模為先氣韻超乎其山水  
以氣韻為主形模寓乎其中

經史

晉顧愷之陸探微張僧繇北齊楊子華隋董

仲仁展子奇唐吳道子鄭虔皆名畫顧陸張吳為  
正經楊鄭董展為三史餘畫為百家見名畫記

三祖

晉以來顧長康張僧繇陸探微所畫通神為

畫家三祖見談實錄餘詳見張彥遠歷代名畫記

宣和畫譜

畫品 宋鄧椿云自昔鑒賞家分品有三曰神曰妙

曰能三品之外更增逸品自唐朱景真按花鳥以

徐熙為神黃荃為妙唐之人馬韓幹固灼灼矣人

不如周昉馬不如曹霸陳閔也宋花鳥最著者黃  
荃父子然遠不如徐熙也虎最著者包鼎然遠不  
如趙邈卓也文與可畫竹是竹之左氏也 國朝  
王孟端夏仲昭可入能品趙孟頫吳鎮黃公望王  
蒙元四大家也 明興善丹青者何啻數百家惟  
戴文進為第一

筆 釋名述也謂述事言之也博物志舜造筆又云  
蒙恬造按尚書中候玄龜負圖出周公援筆以時  
文寫之曲禮云史載筆則秦之前已有筆矣故說  
文楚謂之聿吳謂之不律燕謂之拂秦謂之筆



庀言云舊傳蒙恬始為筆或曰非也周公綏管夫子絕筆或曰當時用漆書竹簡有點畫而無ノ入蒙恬始為兔毫也古今注云自古書契以來便應有筆恬作秦筆爾或又曰恬作筆柘木為管以鹿毛為柱羊毛為被所謂蒼毫非兔毫竹管也又博物志恬為筆以狐狸為心兔毛為副心即柱也其不同乃爾昌黎毛穎傳衣博物志又右軍所著筆經畧云諸郡毫惟中山兔肥而毫長可用先用人髮抄數十莖襍青羊毛并兔毳裁令齊平以麻紙裹枝根令治次取上毫薄薄布柱上令柱不見又

云世傳張之鍾繇用鼠鬚筆筆鋒勁強有鋒芒余  
未之信鼠鬚用未必能佳甚難得昔人用琉璃象  
牙為管重則墮矣近有人以綠沈漆管及鑲管見  
遺用之經年頗可愛翫右軍言故當第是時已失  
中原矣安能必得中山毫又記云右軍書蘭亭楔  
序用蠶繭紙鼠鬚筆

博物志有庖僕毛筆嶺外少兔以雞雉毛作筆亦  
妙此即蘇長公所謂三錢雞毛筆又云蜀中石鼠  
毛可以為筆其名曰鼠又人鬚作筆甚佳大抵皆  
不足論唯兔毫其次羊毛耳 太公陰謀有筆銘

云毫毛茂茂陷水可脫陷文不活于鱗取之余謂其言精而辭甚美然是鄧析以後語也毫毛茂茂是蒙恬以後事也必非太公作

筆跗 漢制天子筆以錯寶為跗毛皆以秋兔之毫官師路扈為之又以雜寶為匣廁以玉璧翠羽皆直百金

筆札 谷永與樓煩俱為五侯上客長安號曰谷子雲筆札見本傳

筆匣 漢末一筆之匣雕以黃金飾以和璧綴以隋珠文以翡翠此筆非文犀之頑必象齒之管豐狐

之柱秋毫之翰用之必有被珠綉之衣踐雕玉之履見御覽

筆品 梁元帝為湘東王記錄銘賢忠孝全者以金管德行精粹者以銀管文章贍逸者以班竹管今云三管

筆床 南朝呼筆管為床梁簡文帝設書幌下置筆床四管為一床見樹萱錄又東宮舊事有銅博山床

筆陣 王羲之筆陣圖云夫紙者陣也筆者弓矢也墨者鍔甲也水硯城池也

筆端 韓詩外傳君子宜避三端文士筆端武士鋒

端辯士舌端

潤筆 蔡君謨為永叔寫集古目錄序歐以鼠鬚栗

尾筆銅綠筆格等為潤筆正穆宗以為太清而不

俗

化筆 書生謁李林甫云管文子後化為筆見開元

遺事

筆虎 賈泉謂李陽冰篆見法書苑

筆冢 智永瘞舊筆頭數石號退筆冢

夢筆 紀少瑜夢陸倕授以一束青鏤管筆其文大

進見青箱雜記江淹夢人與五色筆文曰藻後夢

郭璞取去遂無佳句見本傳

王珣夢人以大筆如椽與之覺語人曰當

有大手筆事俄而為哀冊文見晉書李白少夢筆頭生花自是才思瞻遠見遺事孫權夢北面天帝忽一人以筆點其額見國統

筆諫

柳公權對穆宗曰用筆在心心正則筆正上

知其筆諫也

筆名

中書君見毛穎傳毛元銳字文鋒封管城侯

見文嵩傳元魏臣古弼名筆頭一曰筆公又舍人

濡筆御史簪筆班超投筆元白應制各有纖鋒細

毫之筆名毫雖並見合璧白樂天有雞距筆王隱

有筆銘王充著論衡戶牖置筆晉武賜張華麟角

筆魏武帝劉婕妤七月七日折琉璃筆王羲之得筆法於白

雲先生先生遺以鼠鬚筆採龍鐘截箇藉並見事類賦

彤管 牛亨問彤管何也荅曰彤赤漆也史官載事

用赤管言赤心紀事也見古今注詩彤管有煒箋

云赤管也漢制尚書郎主作文書起草月賜赤管

大筆一雙盛吉為廷尉每斷囚持丹筆垂泣

筆賦 蔡邕傳玄作見初學記又梁徐摘詠筆詩耶

璞筆讚李尤筆銘宇文材筆卦張羽筆對皆至正

時人見格古要論

筆封 薛稷為筆封墨曹都統黑水郡王表兼毛錐

刺史

紙 釋名砥也謂平滑如砥石也古者以縑帛依書  
長短隨事截之名曰幡紙故其字從系貧者無之  
或用蒲寫書則路溫舒截蒲是也至後漢和帝元  
興中常侍蔡倫剉故布擣抄作紙又其字從巾東  
觀漢記云黃門蔡倫典作尚方所謂蔡侯紙是也  
唐書云杜暹為婺州叅軍秩滿歸吏贈以紙萬張  
暹惟受一百時人嘆曰昔清吏受一大錢何異也

厄言漢和帝時中常侍蔡倫擣故魚網作紙然倫以前有紙按史稱赫號薄號注云小紙也又三輔



故事衛太子以紙塞鼻蔡倫後有左子邑善造紙  
東宮舊事皇太子初拜給赤紙縹紅麻紙勅紙各  
一百唐高麗歲貢蠻紙觀書卷日本國出松皮紙  
又大秦出密香紙晉武賜杜預萬番寫春秋釋例  
又賜張華造博物志扶桑國出篋皮紙中國有桑  
皮紙蜀中藤紙江南竹紙楮皮紙黠鞏霜紙浙  
中有麥麴稻稈紙王右軍會稽庫中有紙九萬番  
悉以乞謝安齊高帝造銀光紙賜王魯虔段成式  
在九江造雲藍紙又湘東王為荊州上武帝紙萬  
幅又奉簡文紅箋二千番又云持送五色紙三萬  
枚吳越有温州蠲紙給紙者蜀後鳥程紙由孝紙  
南唐有澄心堂紙細薄光潤為一時之甲古書皆  
卷至唐始為葉子今  
書冊也見演繁露

左伯紙 與蔡倫同時伯尤精妙韋誕仲將題鄴都

宮觀奏曰若用張芝筆左伯紙及臣墨兼此三具  
又得臣手然後可成徑丈之勢

楮國公 薛稷為紙封九錫拜楮國公白州刺史統領萬字軍畧道中郎將又毛穎傳謂之會稽楮先生

好時候 本傳云華陰楮知白字守玄亦曰文館書吏

陟墜紙 王子年云南越人以海苔為之其理縱橫  
表側漢人語訛謂之側理紙

衍波牋 蕭貫夢至宮庭有婦人授此紙乞宮中曉  
寒歌

生熟紙 唐人有生紙熟紙熟紙妍妙輝光生紙非

有喪不用退之送孟郊序用生紙寫言急不暇擇也

洪兒紙 姜澄十歲無紙乃燒糠爓竹為之澄小字洪兒見童子神通錄又毛重有主人賞柳綿肝又

麥光紙見東坡詩又鴉青紙見山谷詩

藤角紙 范甯教曰生紙不可以作文書皆令用藤角紙

桃花紙 楊炎在中書後閣用此糊窓塗以水油

繡花紙 蕭穎士少夢人授紙百番又琅玕紙見酉

陽雜俎

金花牋 明皇與貴妃賞牡丹李延年持賜李白  
烏絲欄 宋毫間紙有織成界道又見霍小玉傳  
布頭牋 取布頭機餘經不受緯者作紙名冠天下  
吊刺溪 唐舒元興作吊刺溪藤文言今之錯為文  
者皆天關刺藤者也又左思賦三都洛陽為之紙  
貴

養紙 以芙蓉粉惜其色見文房寶飾

蜀箋 按成都古今記載其目曰深紅粉紅杏紅明  
黃深青淺青深綠淺綠銅綠淺雲凡十樣又有松  
花金沙流沙彩霞金粉桃花冷金之目蜀志王衍

以霞光箋五百幅賜金堂令張嶺又有百韻箋幅  
長可寫百韻學士箋短於百韻薛濤箋短可書四  
韻又羅隱有鴈頭箋

墨 釋名晦也似物晦黑也漢官云尚書令僕丞郎  
月賜瑜糜大墨一枚東宮故事給香墨四丸

墨精 陶家瓶餘事曰玄宗御案墨曰龍香劑一日  
見墨上有小道士如蠅而行上叱之即呼萬歲曰  
臣墨之精黑松使者也凡世人有文者其墨上皆  
有龍賓十二上神之乃以墨分賜掌文官又陸士  
龍九子墨祝婚者多子之義

太守 薛稷九錫拜玄香太守蕪毫州楮郡平章事  
松滋 本傳燕人易玄光字處晦封松滋侯又毛穎  
傳陳玄又楊雄長楊賦墨卿

墨丸 潘谷手山谷小囊墨曰天下之寶也出之乃  
李廷珪墨又別有墨一丸乃谷少所作墨其藝之  
精如此

墨瀼 唐末易水李超與其子廷珪亡至歙州以其  
地多松因留居以墨名家本姓奚江南賜姓李其  
墨有劒脊圓餅面多為龍紋其雙龍樣者尤為佳

品 又蔡君謨云  
李墨能削木

石墨 陸雲與兄書云一日上三臺曹公藏石墨數十斤今送二螺又九子之墨藏於松煙本性長生子孫無邊

養墨 以豹皮囊貴乎遠濕

夢墨 王勃夢人遺以圓墨盈袖自是文章日進  
蛾綠 煬帝宮女爭畫長蛾司宮吏日給螺黛五斛  
雨墨 災祥集云天雨墨君臣無道讒人進

墨法 韋仲將墨方曰合墨法好醇烟搗訖以細絹  
漚于缸中墨一斤好膠五兩浸椀皮汁中椀江南  
樊雞木皮也其皮入水綠色又下鷄子白五枚

珠一兩麝香半兩皆搗細後都合下鐵臼中搗三萬杵不得過二月九月卮言云造墨之妙者魏無過韋誕云仲將之墨一點如漆五季無過李廷珪父子其墨浸水中三年不壞宋有潘一元有朱萬初皆可貴也又冀公墨法祖氏墨法麻子墨法宋徽宗蘇合烟墨法

硯 研也可研墨使和濡也孔廟有石硯一枚蓋夫子平時物作甚古朴見從征記昔黃帝得玉一紐治為墨海焉其上篆文曰帝鵠氏之硯西域無紙筆但有墨以瓦合或竹節即其硯俱見事類賦注



一云子路作晉人最重學書然未嘗擇硯蓋不自

研墨使人研之成漿乃以斗供故北齊試士其惡

濫者飲墨水一升

庾言云黃帝有墨海漢天子用玉硯取其不凍太子賜漆石硯

魏武上雜物有純銀參帶臺硯又參帶圓硯晉武

賜張華于闐青鐵硯華撰博物志上之帝愍帝予

劉聰銀硯柳公權蓄硯以青州石未為第一絳州

者次之後始重端歛臨洮及好事者用銅雀臺瓦

為硯至有稱未央宮瓦者然皆不及端歛次之宋

高宗玄端硯之有眼病也所取惟一片純紫玉

結隣 唐李衛公硯名結隣言與結為鄰也

硯封 薛稷九錫拜離石鄉侯鐵面尚書使持節即

墨軍事又石虛中傳字居默拜即墨侯

端硯 斧柯山在大江南山行三四里即硯巖先至

者下巖上曰中巖又上曰上巖轉曰龍巖唐取硯處

硯錄 唐彥猷著斧柯茶園將軍山同一溪惟斧柯

所得不過三四指一呵津滴漑絕難得茶園次之

將軍又次之米元章帖下巖石色深紫襯手潤扣之聲

清遠有青綠暈圓小而繁謂之鸛鵒眼探於水底

最貴重皇朝類苑山有自然圓石剖其璞得焉謂之子

石唐錄端石以紫為上歐譜

石眼 眼石鎮密溫潤端人謂石嫩則多眼凡青脉

必有眼有鸛鵒眼雀眼鷄眼貓眼菜豆眼翠綠為

上已上俱端硯

歙硯 羅紋山亦曰芙蓉溪十餘坑蔓延百里山沿

溪溪中殊無石好事者相傳乃曰水中石羅紋舊

坑在寨頭即錢

仙芝訪南唐林石故坑羅紋上坑色微重中坑色微淡下坑泥漿石

祈門細紋理慢不堅色易乾

龍尾 山在婺源東南南唐元宗時歙守獻硯薦工

李少微擢硯官又云石產水中極溫潤堅密聲清

清越婉若玉與他石不同色有蒼黑者有青碧又

羅紋石十二種眉子石十二種硯圖二十三種端

歙竝同見硯譜已上歙硯

四絕 李後主澄心堂紙李廷珪墨龍尾石硯毛元  
銳筆

三種 岩山西坑後磨西坑三當岩石之一後磨三  
當西坑之一古人硯心多渦厚薄不同有薄如紙  
者為利用

硯瓦 晉唐多用鳳池硯中如瓦凹故曰硯瓦  
後世用石  
而其名  
猶存

洗硯 用蓮蓬或阜茨清水半夏切平硯須日滌則  
墨瑩

馬肝 漢武時郅支進馬肝石以和丹砂食之則彌

年不饑以拭白髮盡黑此石亦可作硯有光起

鵠眼 黃黑相間鑿睛在內晶瑩可愛謂之活眼四

傍浸漬不甚精明謂之淚眼形體畧具內外皆白殊無光彩謂之死眼活勝淚淚

勝死死勝無柳公權云水中石其色青山半石其色紫山絕頂者其潤如猪肝色者嘉其貯水處有

赤白黃色點者世謂之鵝鵠眼或脉理黃者謂之金線

硯石 玉硯西京雜記天子以丹石硯冰精硯發墨如歛

白石硯蔡州高麗硯紅絲石硯紅黃蘊王石硯青仙

石硯浮蓋山紫金石硯青州不素石硯金雀石硯淄州

金雀山黃石硯鳳唼硯延平出洮石硯出臨洮青石硯

青州唐石硯唐州紫色宿石硯宿州戎石硯戎石武絳

石硯絳州淮石硯淄州寧石硯寧州宣石硯宣州萬

石硯萬州懸明石硯明州成石硯成州登石硯登州石色

歛夔石硯夔州如墨柳石硯柳州龍瀘石硯瀘州吉

石硯吉州歸石硯歸州大銀硯鐵硯漢祖廟瓦硯

維硯銅硯澄泥硯漆硯古陶硯銅雀硯瓦出銅雀臺多妙折

問得之以甚佳蚌硯青州石末硯

硯名 龍尾金星羅紋蛾眉角浪松紋豆班並出歛之龍尾

溪星者紅絲黑角黃玉褐色鵲金黃玉石紫金出惠

州唐彦猷作自為滋洞石州方綠石石化魯水南金雀

石淄州樂石宿州舌瓦湘州大陀石歸州角石絳州石朱州懸

金崖石州方熟鐵州青澄泥州驪馳基島石登州已上

文房職方圖贊 嘉熙中林洪圖贊十八學士姓名

字號毛中書名述字君舉號畫心處士燕正言王

端明甲元樸岩屋上人水中丞潛仲舍玉餘老翁

貝光祿聚孺文潔菴小友石架閣卓汝格小山真

隱逸都護鎮叔重句曲山民安元安如石靜君黎

司直合志齊水訥老人全季方抱槧書生刀吏書

剛克之桂溪野客望秘閣馮可馮無弦居士曹直

院導公路介軒主人方正字端士直惡圖老吏齊

司封敏功父快閣隱君胡都統厚伯固善補時士

印書記篆少章明信公子黃秘書密惟謹斗室隱

者樂都承藏利用通悟先生寶祐羅先登又續

一十八人朱檢正丹伯洪赤城仙侶木奉使簡敬

行漆園傲吏平待制樹公立大隱先生明詔使光

德耀開晦公子房刺史卷仲舒善藏堃客庶護軍

密思謹相筠老叟高閣學介友文清節處士樓將

軍翦思齊勇退老夫石鼓院鎮子厚岐山後人利

通直銳彌堅金精山人焦桐良材清音居士白云  
君奕爛柯仙客莫鄒剛卿豐城隱君釋鑑無隱圖  
明上座子矢子勁嬰園老人葉嘉清友玉川先生  
水函子方介石高士商鼎師古香山道人見欣賞  
編又稜觚削木為之或六面或  
八面面皆可書學者之牘也

簡

說文牒也釋名書編也言間也爾雅簡謂之畢

魏書折簡召我劉向別傳云子孫書以殺青簡編  
以縹絲繩風俗通曰殺青者直治竹作簡書之耳  
新竹有汁善折蠹凡作簡者皆於火上炙乾之陳  
楚間謂之汗汗者去其汁也按今用汗青字即此  
又史記序殺青斯竟謂簡寫完也侯鯖錄載刊誤  
云古無文刺惟書竹簡以代結繩謂之簡冊也魏



禰衡處士致名於紙是紙上題名投刺公侯自後  
相承刺謁者見通名紙為門狀也釋名畫姓字於  
奏上曰畫刺作再拜起居字其體使書盡邊下官  
刺長書中央一行而下又有爵里刺書其官爵及  
郡縣鄉里花書者宋人簡牘前起語處書名後結  
語處即以花書代名走筆成妍狀如花葩不再出  
名也又晉人書問凡言信至或遣信皆指言為使  
人也今人以書為信誤矣又廣雅策亦謂之簡春  
秋序大事書之於策小事簡牘而已然孔子云布  
在方策注方版竹策也漢制封侯曰策則又與此

異牘謂書版也釋云牘睦也身執之以進見所以  
為恭睦韓詩外傳諤諤之臣秉筆操牘從君之後  
伺君過而書之又不同矣李涪刊誤云啟出於晉  
宋兵革之間時國禁書疏非吊喪問疾不得輒行  
尺牘故草草之書首云死罪是違制令故也且啟  
事論兵皆短而緘之貴易於藏隱見侯鯖錄札擲  
也編之如櫛齒相比也晉郡國戶口黃籍皆用一  
尺二寸札又牒札也雕龍云牒葉也如葉在枝也  
短簡為牒今制公移中有牒  
又板釋名曰板中有大王刻一版孔圖云孔子作春秋  
天授演孔圖中大王刻一版孔圖云孔子作春秋  
經則又手板矣又函即函封書函也秦書衣也晉  
人盛書有縑素謝靈運有書帙銘梁昭明有書帙

詩槩牘牒也釋名云板長二尺槩者漸漸然長也  
 論衡云斷木為槩楊子雲好事者懷鉛槩從諸  
 吏訪殊方絕俗四方之語又答劉歆書云以鉛槧  
 松槩之麗容象君子之淑德載方矩而復規加文  
 藻之條飾雖轉旋而屈撓時傾邪而反側又有封  
 書泥

檢 檢校函檢皆從木顏師古曰檢之言禁也削木

施於物上所以禁閉之使不得輒開露也署謂題  
 書其上也以顏言推之則檢者以木為函納書文  
 其中而簽題其上自唐及宋甌檢皆其物也又漢  
 書封禪玉檢金泥

水滴器 西京雜記云晉靈公冢玉蟾蜍一枚大如

拳腹空谷五合如新玉以成滴硯傳玄水龜銘曰  
鑄茲靈龜休象自然雲曰原味有似清泉潤彼玄  
墨染此弱翰申情寫意纏縛群言

十數

演繁露云古書一為弌二為弌三為弌蓋以

弌為母而一二三隨數附合以成其字今官府文  
書凡記數皆取點畫多者不可改換為姦本無義  
理如壹貳叁肆之類是也若拾捌玖則全無附並  
惟是參天之為三貳過之為二尚可附會而漢書  
以壹代一則一變為壹已久不在唐明皇以今文  
代古文也又什伯字互用而千百無有用阡陌者

不詳始日何時王露云數窮於九九者究也至十則又為一矣百錢云十十錢言足也數也

卷十五卷終

彙識畧十六卷

崇陽吳楚材國賢編

龔衍材國銓校

武備部

軍兵 周禮萬有二千五百人為軍軍將皆命卿二千五百人為師師帥皆中大夫五百人為旅旅帥皆下大夫百人為卒二十五人為兩五人為伍古者兵隱于農無軍民之別自西魏始作府兵而其法雖備于隋唐亦有番次入則為兵出則為農至後周太祖乃刺其面給以廩食自是兵民始分也

太公金匱云五帝之時守戰之具皆在民間耒耜是其弓弩鋤耜是其矛戟箠笠是其兜鍪鑊斧是

其攻戰之具鷄  
狗是鉦鼓也

營壘

史記黃帝以師兵為營衛正義環繞軍兵為

營以自衛若轅門即其遺像其後兵之所居因曰  
軍營

五軍營

大明會典云五軍營中軍左右掖左右哨

管操練京衛及中都留守司山東河南大寧三都  
司各衛輪班馬步官軍長語云國初止有五軍營  
三千營 大明會典云三千營五司管寶肅縣令旗長  
語云永樂初始以旗寶肅縣下三千小達子立三千  
營

神機營

長語云永樂中征交趾得神機火箭法因

立是營

大明會典云神機營中軍左右掖左右哨管操演神銃神砲神鎗火器是營與五軍

三千為三大營

團營

大明會典景泰初選大營精銳官軍分立十

營每營官軍六萬員名團操以備緊急調用成化

間分為十二營奮武耀武練武顯武敢勇果勇效

勇鼓勇立威伸威揚威振威十二營內各分五軍

五營管內外馬步官軍三千營管內外馬隊官軍

神機營管內外步隊官軍

楊一清云景泰初兵部尚書于謙乃於三大營

中挑選精銳者分立十營團操是為團營體統尊嚴條教明肅四方有警或用一營二營三營以次



挨撥而行不用臨期挑選其選剩不堪者退為原  
營謂之老家天順初年罷之八年復置成化初年  
又罷之三年復置後增為十二團營布分益嚴武  
武益張于時一有警報大軍一出四方攝服嗣後  
因陋就簡垂四十年而我馬日耗士卒之戢實者  
出錢包班而其名徒存貧難者饑寒困苦而其形  
徒在衣家藍縷氣息奄奄平居且不能自存安  
為國以捍禦百戰之虜哉每遇有警欲撥一二萬  
之兵未免於各營通行挑選欲再撥一二萬恒以  
不足數為慮是團營與老家無異矣

將軍營 大明會典云錦衣衛侍衛將軍自為一營

一班之日照例操練從管領侍衛官提督

四衛營 大明會典云騰驤左等四衛勇士軍人餘

丁別為一營從御馬監官提督操練其坐營等官

並於四衛指  
揮等官推選

營官

大明會典云三大營各營管操官曰提督各

哨分管官曰坐營曰坐司俱兵部奏請於公侯伯

都督都指揮內推選

永樂間始兼用內官而神機火器特命內臣監之曰監鑄

又有掌號把總把司把牌寺官俱於都指揮內推選團營提督及坐營掌號把總寺內外官員畧如三大營之制而命兵部尚書或都御史一同提督

兵法

風后握機一云握奇風后黃帝臣也太公六

韜

文龍虎豹犬

元豐中以六韜孫子吳子司馬法黃石

公三畧尉繚子李衛公對問頒行武學號曰七書

又有陰符七術揣及摩三篇伍子胥范蠡魏公子

司馬穰苴孫臏吳起管子漢定著二十五家兵法

五十三家兵書

陣法 陣本作陳本音陳列為音後改從車非本名也黃帝始立丘井五為陣法四為間地此所謂數起於五也虛其中大將居之環其四面諸部連繞此所謂終於八也及乎變化制勝紛紛紜紜闐亂而法不亂渾渾沌沌形員而勢不散所謂散而成八復而為一也 國朝景泰三年 上命兵科給事中鄭林操練軍卒林既受命遂以軒轅破蚩尤之陣教閱軍士以其圖具本進曰臣通考古今之陣法莫有軒轅黃帝破蚩尤之陣夫古蚩尤即今

之胡虜也黃帝按井田作陣法大將居中專主旗  
鼓八部旋繞悉聽指揮若正北受敵則東北西北  
二陣為奇兵張左右翼以援之若正南受敵則東  
南西南二陣為奇兵張左右翼以援之其正東正  
西及四隅受敵亦如之所謂常山之蛇擊其首則  
尾應擊其尾則首應擊其中則首尾俱應者也古  
之明將知此法者惟太公呂望孫武子韓信諸葛  
孔明李靖諸人而已吳起以下莫能知也其名之  
曰天地風雲龍虎鳥蛇者則諸葛孔明也

蓋孔明按洛書

戴九履一左三右七二四為肩六八為足之數以  
名之九數居離南方朱雀七宿之地前朱雀也故

曰鳥陣一數居坎北方玄武七宿之地後玄武也  
故曰蛇陣三數居震東方蒼龍七宿之地左青龍也  
也故曰龍陣七數居乾西方白虎之地右白虎也  
故曰虎陣六數居西北乾之位也乾為天故曰天陣  
二居西南坤之位也坤為地故曰地陣四居東南  
巽之位也巽為風故曰風陣八居東北艮之位也  
艮為山不曰山而曰雲者連山出雲故名之曰雲  
陣大將居中五則又所以象太極也一大陣之中  
因有八卦陣而小陣則法文王六十四卦所謂陣間  
伏義八卦小陣則法文王六十四卦所謂陣間  
陣隊間乎隊者也若夫造遁甲有九星開八門用  
三奇者則又黃帝命風后為之也蓋聖人以神道  
設教以神其術使人莫知其所以然也常山蛇陣見  
武之位於北嶽則常山蛇勢也故曰常山蛇陣見  
通紀按黃帝五陣直銳員方曲太公三陣天地人  
風后八陣天地風雲虎翼龍蟠龍飛鳥翔孫子八  
陣方員北壯衡直方宜車輪鴈行吳起八陣曲直  
銳卦車箱車船賊鶴直宜車輪鴈行吳起八陣曲直  
騰鳥翔連衡握奇虎翼折衝李靖大赤青蛇白龍  
虞候左右一廟三廟十三陣大黑大赤青蛇白龍

左突右擊前衝後衝權充決勝破敵先鋒九伐之  
法則四面削其地謂之責入其地謂之伐出其君  
謂之墮削其民謂之削兵加其境謂之侵討治其  
邦謂之正誅其君謂之殘塞之使不得與鄰國交  
通謂之杜絕其國謂之滅九地之術則自戰其地  
謂之散地入敵之地不深謂之輕地彼此皆利其  
地謂之爭地彼此皆可以未謂之衝地入敵諸侯之  
三屬先至得天下之衆者謂之衝地入敵諸侯之  
城邑之多者謂之重地山林險阻山澤難行謂之  
險地所由入者蓋所從歸者迂謂之圍地疾戰則  
生不疾戰則亡謂之死地五慎五危者理備果戒  
約必死不死生怨度廉潔愛民也三道三急者正兵  
奇兵伏兵得地形卒服習器用利也有鼓金旗之  
三官地馬車人之四輕形勢情之三術氣地事力  
之四機整兵習陣趨合嚴令就五行非五鼓乎而道  
天地將法度量數稱勝則五事五法也孔明目習  
耳習心習手習足習非五習乎而因內反死生人  
積鎰庫隊則五間五政也形色之旗號令之數進  
退之度長短之制造避之方五教也垂地無舍衢  
地合交絕地無留困地則謀死地則戰途有不由

士軍有下擊城有不攻地有不爭君命有不攻則  
所謂九變也他如一重二信三威四種五枝七攻  
莫非行師制敵者也

陣圖 諸葛亮八陣圖三一在沔陽一在新都一在

魚復平沙上壘石八行凡六十四節或為散亂及

為水所沒水退依然如故楊升菴有記蓋天地風雲龍虎蛇鳥本一陣也

出黃帝兵井之法桓溫見之曰此常山蛇勢也

傳令 禹伐有猶誓衆曰咸聽朕命此軍中傳令之

始

先鋒 孫子曰軍無選鋒曰北詩曰元戎十乘以先

啟行

鹿角

樹木為營或為塹砦晉書馬隆為武威太守

作八陣圖地廣則鹿角車營進攻則木屋抱輪詳見御覽

金鼓 釋名校號也將帥號令所在也節號令賞罰

之節也

金禁也為進退之禁也凡師有金鼓曰伐無曰侵出軍決曰將軍之氣唐子曰將之

耳目也

殿後 後軍曰殿左傳曰黃夷前驅孔嬰齊殿

伏兵 易曰伏戎于莽左傳三覆以待之

大攻 孫子有大政左傳焚咸丘公羊曰樵之大攻也



水戰 詩江漢湯湯此水戰之始師尚父誓蒼兕舟

楫蒼兕九頭掌舟楫官名左傳楚子舟師國語智

伯水攻

斥候 凡軍行營壘先使腹心及鄉導前覘審知各

候吏先行定得營地壁立軍分數立四表候視然後移營終又先使候騎前行持五色旂見溝坑揭

黃衢路揭白水澗揭黑林藪揭青野大揭赤以本鼓應之餘詳見御覽

京觀 左傳明王伐不敬取其鯨鯢而封之以為大

戮於是乎有京觀懲淫慝注大魚喻不義吞食小國也積尸封土其上謂之京觀

又崔鴻夏錄以人頭為京觀號曰髑髏臺

首級 漢書注本以斬敵一首拜爵一級故謂一首

為一級因復名生獲一人為一級也此意與車稱兩馬稱匹同

烽燧 說文候火也見黃帝出軍訣蓋舉烽火以傳

信亦謂之烽煙

漢書音義云高臺上作桔槔頭置

舉之曰烽望其煙曰燧晝則燔燧夜乃舉烽

樓櫓 麗譙見莊子昆明池有百艘樓船

上建樓櫓船名數

十上建戈矛

雲梯 即飛梯左傳樓車詩臨衝又公輸般造見續

事始

礮石 出范蠡兵法飛石重十二斤為機行三百里

輜重

漢書注輜車名也釋名輜廁也謂軍糧什物

雜廁載之以其累重故稱輜重孫子委軍而爭利

則輜重捐是以軍無輜重則亡

兵車

黃帝造司馬法曰夏鉤車先正也殷寅車先

疾也周戎車先良也

又漢輕車武剛車魏霹靂車晉偏箱車唐後倪車櫛石車

又豹尾車周制也象君子豹變尾言謙也

戰舟

墨子公輸般自魯之楚為舟戰之具謂之鉤

拒退則鉤之進則拒之也

左傳獲其乘舟餘皇馬融傳方餘皇建舳舻

雲帆施蜺旌吳蒙衝聞艦飛雲蓋海

旌旗

釋名旌精也言有精光也旗期也言與衆月

於下也爾雅有鈴曰旂按列子黃帝與炎帝戰以  
旂畫作兩龍相依倚為旗蓋旌旗之始也交龍為  
曲析以招士衆也世本黃帝作雜帛為絹為之不盡  
綴其邊為翅尾將帥所建也熊虎為旗象其象也  
將軍所建天子九旂畫招搖星於其上以起居堅也  
勁軍之威怒也鳥隼為旟譽也軍吏所建急疾趨  
事則有稱譽也龜蛇為旐兆也爾雅續廣充幅長尋  
之於後察度事宜之形兆也爾雅續廣充幅長尋  
曰旐郭璞注帛全幅長八尺者也全羽為旒順滑  
旐也析羽為旌精光也爾雅旌首曰旌繼旒曰旒  
旒然垂也注帛續旒末為燕尾旒首曰旌繼旒曰旒  
執之以指故曰麾下又雲罕罕也東京賦雲  
罕九旂龍旂以象伐也龜旒四旂象營室也旒火也  
無旗六旂以象伐也龜旒四旂象營室也旒火也  
其貌旂旂然也信旂古之麾號也題表官號以為  
符信凡織帛長五丈廣半幅見墨子又武帝書腐  
名靈旗石勒避諱呼白虎幡為天鹿幡尚書石秉  
白旆注有童也童然也通俗文毛飾曰旒音餌施于  
節上童也童然也通俗文毛飾曰旒音餌施于

牙旗 將軍所建即周禮旌門黃帝出軍決作五采

牙幢

指顙向背青引東赤南白西黑北中黃後世遂設五方旗又始立牙之日吉氣未應旗幡

正之敵是謂堂堂之陣正

旗牌

今制大臣得專節制出自上賜與符印同紅牌金令字令旗金字軍前不用命斬首示衆

六纛

商以皂紙為之似蚩尤首又云玄女為黃帝

制

演繁露云纛六口大將中營建出引六軍古天子六軍今諸侯六軍故有六纛以總軍衆

鞞

釋名裨也裨助鼓節也一云馬上所擊倭作鼓

鞞

呂氏春秋

鉦

銅鑼玄女作鐃小鉦也軍行鳴之以為鼓節

鈴

說文鈴丁也從金令聲左傳揚鸞和鈴又公府闕鈴下有吏

鐸

三禮圖云鐸金之鼓銅為之木舌為木鐸金舌為金鐸說文大鈴也釋名度也疏令之限度也

鞀

鞀子云禹治天下懸五聲以聽曰獄訟者搖鞀

教以事者振鐸呂氏春秋云倭作鞀

鼓角

節將入界每州縣須起節樓本道亦至界首

衙仗前引旌幢中行大將打珂金鈺鼓角隨後見

演繁露

常

釋名九旗之名日月為常畫日月於其端天子所建言常明也君牙紀于太常周禮日月為常

十二疏

鈇

吳都賦注刀身劍鋒有長有短又銘云長鈇陸

離短鈇清暉

戰國策馮驩彈長鈇歸來之歌又鈇見御覽注兩刃小刀吳都賦所謂刀

鍤也說文云  
鍤有鐔也

劒 釋名檢也所以防檢非常蚩尤制葛天盧之金

以為劒鎧矛戟夏禹字高密以庚戌八年鑄一劒

藏之會稽腰刻二十八宿面記星宿背記山水曰

月少康辛卯三年鑄一銅劍上有八方殷有寶劍

曰含光承影霄練太甲以甲子歲鑄一劍曰定

光武丁以戊子歲鑄一劍曰照膽其後楚有龍泉

秦有太阿工市吳有干將鏌耶干將吳人與歐冶

同師莫耶者干將之妻名也父名赤鼻又有屬錢

越有歐冶子五劍純鈎湛盧豪曹魚腸巨闕漢有

斬蛇魏有飛景流彩華鋒吳有白虹紫電辟邪流

星青真百里皆陸飾馬牛亦擊鴻鴈當敵則斬於

甲盾此天下名器也劍首以玉作井韞轆形上刻

木作山形似蓮花初生雋不疑帶樞具劍是也凡

劍口謂之鐔鼻謂之玃鞘謂之室韜謂之衣又繁

露云劍之在左青龍象也晉書張華望斗牛間有

紫氣識其為寶劍之精在豐城以雷煥為令拙  
基得石函有兩劍送一與張華拭以南昌西山  
而自佩其一華曰此干將也以為不若華陰赤  
因致一勛報煥華誅失劍煥卒其子持劍行經延  
平津忽於腰間躍出墮  
水化兩龍合盤而去

刀

到也以斬伐到其所乃擊之也其末曰鋒若鋒

刺之毒利也其本曰環形似環也其室曰削峭也

室口之飾曰琫琕也下末之飾曰琕卑也佩刀在

佩旁之刀也容刀備容儀而已書刀給書札有所

刊削封刀鉸刀皆隨時名之也黃帝採首山之金始鑄為刀即漢武

所賜東方朔鳴鴻刀也舜殛鯀於羽山副以吳刀

見呂氏春秋太公兵法刀神名脫光周有赤刀古  
今注云百練青犢漏景三刀名也古人鑄刀以五  
月丙午取純火精以協其數見志林



戟 格也旁有枝格祭戟有衣之戟漢制祭戟即為

斧鉞注假啟戟以代斧鉞或謂之受受釋名殊也

長二丈無刃古今注受前驅之器也以木為之後代刻為無復典刑以赤油韜之謂油

戟王公以下通用之以前驅兵法戟神名大將又參星主之

鉞 釋名延也去此至彼之言也其柄謂之矜又鉞鏃戎器也兩頭曰

鉤中央曰鏃

干戈 庖犧造見拾遺記稱戈比干干羽見書周禮

戈廣二寸內倍之鄭注句干戟也又句兵也漢時見戈有旁出者為句干又謂之

鷄鳴戟釋名過也所刺則決過所勾引制之不得過也又過為骨朵見宋公筆錄云字書箇過皆音

竹瓜通作適適之變為骨朵又以骨朵為過

矛 釋名冒也双下冒衿也下頭曰鑕世本矛作矛

呂氏春秋云蚩尤作五兵有矛夷矛則矛蓋蚩尤作也矛神曰跌鎔矛長八尺謂之稍一云丈八

詩出矛三隅矛也

槍 黃帝與蚩尤戰即有槍諸葛亮始以木作之長

丈二以鐵為頭續事始曰亮置苦竹槍長二丈五

尺

馬槊 一謂之稍劉邁謂桓玄馬稍有餘精理不足

又栗磳黑稍公麾下梁簡文帝馬槊譜序馬槊為用雖非遠法近代相傳稍以

成藝按曹操父子橫槊賦詩

匕首 短劍也長一尺八寸頭類匕故曰匕首魏太子造

疆識畧上卷卷之六

二七首名清剛陽文王莽避火宣室持虞帝七首  
孟堯舜時已有此又史記徐夫人七首典論三七  
首一清剛長二尺三寸光似堅冰二陽文長二尺  
一寸重一斤六兩曜似朝日三龍鱗狀似龍文

盾 釋名遜也跪其下避刃以隱遁也傳曰犀渠周

禮司兵掌五兵五盾注五盾千櫓之屬盾有大小

鉞盾左傳大車之輪蒙之以甲以為櫓櫓是大盾河

圖云盾名自障漢李尤楯銘曰吳旂魯敵方言自

開而東或謂敵或謂干開西謂之楯禮記干櫓即

鉞 大斧玄女制釋名鉞豁也所司莫敢當前豁然

破散也武王黃鉞注以黃金飾斧六韜有大河斧

鉞改金 鉞名為天鉞即今大鉞也蔡邕有黃鉞鉞

刁斗

纂文云持時鈴也又見李廣傳注以銅作錐受一斗晝炊飲食夜擊行夜形如銅無緣師

古曰銅即鉞也

拆

易曰重門擊柝

漢舊儀宮城門擊刁斗周盧擊木柝說文柝夜行所擊今擊為

聲以代更籌者

渠答

晁錯傳高城深塹具蘭石布渠答注蘭石可

投人石也

一曰城上雷石渠答鐵蒺藜也事始謂起于隋煬帝非也又司馬懿追諸葛軍

長史楊儀亦布鐵蒺藜

甲

釋名似物有孚甲以自禦也亦曰介亦曰函亦

曰鎧皆堅重之名也

蚩尤作鎧見管子與作甲見世本與少康子也與一作抒

周官函人為函犀甲七屬兕甲六屬合甲五屬甲下飾謂之裳甲藏謂之纍甲衣謂之素首鎧謂之



五尺謂之庇輪四尺謂之庇軫又桑柘陰濃鳥集其上而呼號以拓為弓因名烏號見古史考風俗通又黃帝升天群臣欲射龍不得抱其弓而號見御覽注綠沉古弓名蓋竹也見侯鯖錄又沙麻竹削以為弓似弩淮南所云浮子弩也又彷彿弓即典張宛轉弓即弭弓爾雅云子有綠者謂之弓無綠者謂之珪弓末曰金者謂之銑以蜃者謂之附以玉者謂之珪弓末曰金者謂之銑以蜃者謂之附以玉所撫恃也蕭附之間曰虎張一曰轉秘弓槩也弓衣曰發弓弩曰拳又曰虎張一曰轉秘弓槩也弓衣曰縛於弓裏備頓傷也詩竹閉緄膝

# 箭

說文矢也釋名矢指也言其有所指向迅疾也

又謂之箭前進也

方言云自關而東謂之矢江准

云箭者竹名因以為號也世本牟夷作矢黃帝二臣也荀子浮游作矢太公兵法箭神名續長趙氏兵書矢名信往周官八矢一枉二絜三殺四鏃五鏃六華七恒八屏又謂之鏃言禦敵也爾雅金鏃

剪羽謂之鏃骨鏃不剪羽謂之患齊人謂之鏃言  
所中皆族滅也其旁曰羽如鳥羽也其末曰括會  
也言與弦會也箭括者言後鏃中箭括發相及矢  
相屬前矢也括旁曰義形似義也其受矢之器以  
皮曰箛柔服之義也詩曰魚服織竹曰箛又曰步  
義馬箛上曰韃建也言弓矢並建立於其中鞬射臂  
也括也韃所以逐弦以朱韋為之謂臂捍也彈行九  
經少皞生般始為弓矢帝俊賜羿彤弓素矰以扶  
下國魏百官名三公拜賜鶉尾鵠尾鵠箭十二枝  
弩說文云洛陽名弩曰捐穀弩也彊滿弓也太公

兵法曰弩之神曰遠望

黃帝作弩見古史考吳越春秋曰弩生于古史考吳越

以子矢之勢不足威天下乃橫弓着臂施機設

郭加之以力即是弩也周禮五射參連漢李廣以

大黃射其捍將孟康曰太公六韜陷堅却敵以大  
黃參連弩也太白陰經弩者怒也言其聲勢威響  
如怒穿剛達堅自近及遠守險塞口非弩不克漢  
有強弩連弩勁弩弩柄曰臂似人臂也鈞弦者曰

牙似齒牙也牙外曰郭為牙之規郭也下曰懸刀其形然也合名之曰機加機之巧也亦如門戶樞

漢虎賁弓 角端弓 飛矛 鍛矢 唐憶弩 伏

速弩 靜塞弩 宋咸平木羽弩箭 火箭 才

弩 風雨箭 衝陣無敵流星弩 神臂弓 烏

稍弓 克敵弓 並見玉海

鳴鏑 匈奴傳冒頓作鳴鏑 應劭曰號箭也遂以射殺頭曼單于者

傍排 釋名彭排旁也在旁排敵禦攻也諸葛亮軍

令帳下各持彭排彭音傍見轉注實錄云自羊夷

始 宋會要云太宗聞南方以標槍傍排為兵令蕭延皓取廣德軍習之又銜枚見詩周禮有銜枚



天又大杖曰  
梧見御覽

抹額 實錄禹娶塗山之夕

雷電中有甲卒千人其

云海神來朝禹問之對曰此武士之首服秦始皇

至海上有神朝皆抹額  
額遂為軍容之服

鞍 說文馬鞞具也蓋鐵論曰古者繩鞆草鞵皮薦

而已其後代以革鞍鐵鑣而不飾其後乃有鏤衛

鞍紫茸題高橋鞍或有金銀翠毛之飾又有障泥

珂魏百官名曰紫茸題頭高橋鞍一具西京雜記

武帝時身毒國獻白光琉璃鞍又武帝得貳師天

馬造政細石為鞍曹植有  
上銀鞍表李尤有鞍銘  
鵠 五行志中宗朝安樂公主令尚方以百獸毛為

轡

釋名拂也言牽引拂戾以制馬也轡之為飾有

其頭而引以成其用也轡者北人避石勒名也轡包絡

也在傍包欽其口也羈檢也所以持制之也轡疆

也繫之使不得出疆限也轡亦曰勒故垺蒼曰勒

馬轡也轡控制之義通俗文云所以制馬曰轡餘

見詩采芄小戎李尤有轡銘又柳防汗當肩孟見  
御覽又馬轡尾曰鞘又羅  
而上馬曰騙馬見演繁露

鞭策箠皆馬過之名說文所謂驅遲者也古者

以扑罪人亦以驅馬故其文從革書曰鞭作官刑

此則施於民也傳曰左執鞭弭又曰雖鞭之長不

及馬腹此則施於馬也其後以竹代革故策箠二  
文又並從竹蓋因驅策箠擊之義以立名也漢書  
婁敬曰周太王以狄伐杖馬箠去居岐禮記曰獻  
車馬者執策緩君車將駕則僕執策立於馬前則  
其事也李尤  
有馬箠銘

吹鞭 馬融笛賦裁以當適注曰適馬策也裁笛以

當馬適故易持筴吹筩也以竹為鞭中空可吹故

兩用軍旅之便 演繁露 玉海云資斧易得其資利也 鉞秘左傳

柄 挺皮吳語扶胥六韜棘矜過秦論棘戟也 虎路校獵

槍雷周禮注 逢遂史記堯零先武紀 鈎援詩鈎

引上終葵廣成翔旒唐指遂良傳 旒史記

飛橋六韜輶孫子輶修柴離說文徐鉉曰豎 丹珠

潘安仁誄注雲梁南詔傳雲 渠衝荀子攻鉅鐵禮

宛法鉅鐵梯衝公孫魏陳琳武庫賦其刃則楚金

越冶棠谿名工清皓鍰修刺銳鋒陸陷蓋犀水截

輕鴻鎧則東胡闕鞏百鍊精剛函師振旅韋人制  
山粟幹弓則烏號越棘繁弱角端象弭綉賢哲捐  
文身矢則申息肅慎箇貉空流焦銅毒鐵幹族鳴  
鑿麗鼓捷輔馬則飛雲絕景直  
鬻駟駟駟駟龍紫鹿文的鰾魚

銅柱 南方處處有之皆馬援所立 若林邑則非援

也制

屯田 漢文帝募民耕塞下已有屯田之說 武帝始

有屯田之規成於昭宣廣於魏晉而極盛於唐大  
抵漢之屯田以兵唐之屯田以民歷代或民或兵  
蓋不一詳見刑政部通典周制步百為畝畝百給  
一夫即一頃商鞅佐秦以一夫力餘地利不盡於  
是改制二百四十步  
為畝百畝給一夫

戍役 見詩采薇 齊侯使戍葵丘瓜時而往曰及瓜  
而代又胡貉苦寒秦民見行如往

棄市因以適狹名之名曰適  
戎見漢書晁錯論徙塞下

譯語

周禮象胥國語舌人

又重譯九譯四譯漢百

譯官丞令安祿山通六蕃語今制有譯字生大

率蕃語以華言譯之皆得其近似耳如天竺轉為

恒乃鞋鞞也契丹讀如契冒頻讀如墨突龜茲本

為丘慈演繁露辯之甚悉  
背嵬 筆談云大將帳前驍勇人也贅筆云團牌也

以皮為之朱漆金花煥耀炳日

田獵 春蒐夏苗秋獮冬狩一為乾豆二為賓客三

為君庖無事而不田曰不敬田不以禮曰暴又季

冬之月天子乃教田獵以習五戎

鄭玄注曰田獵之禮教人以戰

法此則上供宗廟下以簡集之義蔡邕月令章句曰獵按也言以撓取之獵亦曰狩狩獸也鄭玄詩箋言田獵搏獸也亦曰政政田也則爾雅為田除害之義此獵之異名也按周禮四時之田皆於農隙以講武事

騶倡 騶從傳呼也僕射在朝得入宮門止於馬道

是許人

上馬處如涖軍則否軍國異容之義也梁制給威儀十人其七人武冠絳鞬

跳盪 渾瑊年十一立跳盪功唐兵志矢石未交

車戰 六韜車者軍之羽翼也所以陷堅陣要強敵

遮北走也陳祥道曰古之用兵也險野人為主易

野車為主則險野非不用車而主於人易野非不

用人而主於車車之於戰動則足以衝突止則足

以營衛將卒有所芘兵械衣裝有所齎昔周伐鄭

陣先偏後伍伍承彌縫邲之戰楚君之戎分為二

廣廣有一卒卒偏之兩楚巫臣使於吳以兩之一

卒適吳舍偏兩之一焉考之周禮五伍為兩四兩

為卒司馬法一十五人為兩百人為卒卒兩則人

也偏則車也杜預十五乘為大偏九乘為小偏其

尤大者又有四十五乘之偏則周魚麗之偏二十

五乘之偏也楚二廣之偏十五乘之偏也巫臣所

舍之偏九乘之偏也先偏後伍伍從其偏也卒偏

之兩兩從其偏也先其車足以當敵後其人足以

待變則古者車戰之法畧可知也景泰時李賢上

疏言虜所以敢輕中國者恃其弓馬之強而已臣

觀今之拒馬木能拒馬不能避箭挨牌能避箭不

能拒馬惟道則人鎗是也臣觀剛車制四圍箱板

又有取勝之道則人鎗是也臣觀剛車制四圍箱板

內藏其人下望銃眼上開小牕長一丈五尺高六

尺五寸前後左右橫排鎗頭每車前後上地五步

若用車一千輛一面有二百五十輛約長四里約行

則行欲止則止謂之有脚城內藏軍馬糧草輜重

以此禦敵使馬不得衝陣箭不得傷人彼若近前  
火砲齊發奇兵繼出彼若遠遁我勢益張

馬政 古者牧養之馬有養之官有藏之於民官民

通牧者周也牧於民而用於官者漢也牧於官而

給于民者唐也列仙傳馬師皇者黃帝馬師淮南

子黃帝治天下飛黃服皂呂氏春秋乘雅作駕寒

哀作御又鯨服牛相士乘馬臘作駕三人皆帝堯

臣也見世本又宋秉云韓裒侯作御夏官校人掌

馬六種邦國六閑馬四種家四閑馬二養之以皂

乘廐校視之以圉牧廋巫設祖牧杜步之祭以謹

其本時出八將靡之節以宣其性情分房棧牝壯

之禁原驅蠻紂惡志害春祭房星尊祖也夏祭先

救尚養也秋祭馬社敬乘也冬祭馬步存祖也



漢五監六廐六牧師苑三十六苑騎馬令師古曰  
 養鳥獸者通名為苑故謂牧馬處為苑造苑馬以  
 廣用始自漢景帝  
 穆天子傳癸酉天子命駕八駿之乘右服騊駼而  
 左驂耳右駿赤龍右驥而左白儀天子主車造父  
 為御商周為右次車之乘右服渠黃而左蒯輪右  
 驂盜驪而左山子柏天主車參伯為御奔戎為右  
 至于黃澤官樂謠曰黃之池其馬歟沙皇人威儀  
 黃之澤其馬歟  
 王皇人壽穀

民壯 會典云軍籍之外有民壯有司僉點以備警

急即古民兵之遺意洪武初立民兵萬戶簡民間

武勇之人編成隊伍以時操練有事用以征戰事

平復還為民

正統十四年令各處招募就本地官

司率領操練天順元年令招募民壯  
 給本戶有糧與免五石仍免戶  
 勒馬器械悉從官給如有事故不許勾丁弘治二年  
 丁二丁以資供給

州縣選取年二十以上五十以下精壯之人州縣七八百里每里二名五六十里者每里三名三四十里者每里四名一百里以上者每里五名春秋每月操二次至冬操三歇五遇警調集官給行糧其餘照天順元年列六年令官司私役民壯者照依私役軍餘例問罪又見行義補通紀云民壯原非祖宗舊制始於正統己巳之變邊關有警科臣建議山西編金無警放回至正德間提督憲臣議令分備番操遂成長年戍守今山西因於此役他省亦照例編金徒供執事虛費工食而已

弓兵 會典云天下衝要去處設立巡檢司專一盤詰奸細迺軍私鹽等項照例于丁糧內金點弓兵應役

卒 說文隸人給事者為卒衣有題識者也玉篇卒

衆之名也屯戍之兵也

韻海南楚謂卒為弩父卒主營弩導因以為名也又

行鞍杖者也  
皆赤幘絳繡

騎 釋名騎之也兩脚岐別也趙充國始為騎士以  
六郡良家子善騎射特補羽林孫臆云騎有十利  
一曰迎敵始至二曰乘敵虛背三曰追散亂擊四  
曰迎敵前擊後使敵奔走五曰遮其糧食絕其軍  
道六曰敗其津關廢其橋梁七曰掩其不備擊其  
未振八曰攻其慢怠出其不意九曰燒其積聚市  
里十曰蹂其田野係累其子弟夫騎者能離能合  
能散能集百里為奇千里而赴出入無間故名離  
合之兵也

率也元命苞天上一星為郎將呂氏春秋大將

民之司命必有三隊四義五行一官六韜云曰太公

有五才十過五才者勇智仁信必也勇則不可犯

智則不可亂仁則愛於人信則不可欺人必則無

二心所謂十過者將有勇而輕死者有急而不速

者有貪而喜利者有仁而不忍於人者有志而心

怯者有信而喜信人有廉而不受人者有智而心

緩者有剛毅而自用者有懦而喜用者是故兵者

國之大器存亡之所由也又曰太公曰夜卧早

起雖劇不悔妻子之將也長寶希言賦物平均十

人之將也數行刑戮不避親戚百人將也訟辯

好勝欲正一衆千人將也知人饑飽念人劇易

萬人之將也知天文悉地理四海如妻子此天師

之主也三畧曰軍井未達將不言渴軍灶未炊

將不言餓軍幕未辨將不言倦冬不服裘夏不言

扇是謂禮也

訓兵 周禮夏官大司馬之職掌仲春教振旅司馬

以旗致民平列陣如戰之陣以教坐作進退疾徐  
疏數之節遂以蒐田仲夏教菱舍如振旅群吏選  
車徒遂以苗田仲秋教治兵加振旅辨旗物之用  
遂以獮田仲冬教大閱前期群吏聽誓于陣前斬  
生以左右狗陣前不用命者斬之遂以狩田師以  
救無辜伐有罪若師有功則左執律右秉越以先  
愷樂獻于社孫子曰言不相聞故為鼓鐸視不相  
視故為旌旗夫金鼓旌旗者所以一  
人之耳目也人既專一則勇者不得獨進怯者不  
得獨退紛紛紜紜間亂而不可亂渾渾屯屯形圖  
而不可敗

練士 通典搜才曰選士之科沉謀密畧出人者詞

辯從衡能移奪人之性情堪辯說者能往來聽  
語覽視四方之事軍中之情偽日列於前者能得  
敵人之主佐門閭請謁之情堪間謀者能知山川  
險易行止形勢利害遠近井水草逕路迂直堪鄉  
道者巧思出人制造五兵及攻守器械者引強敵  
撤戈鉞劍戰便於利用挺身捕虜塞旗斬將堪  
陷陣者趨捷若飛羽越城塹出入無形堪規覘者  
往返三百里不及暮至者破格舒鉤或負六百斤  
行五十步四百斤行百步者推步五行瞻風雲氣  
候轉式多言天道詭說陰陽者經曰

夫王者帥師  
必練簡英維

知士高下因能授職各取所長為其股肱羽翼以  
神威神然後萬事畢矣腹心一人謀士五人天文  
三人地利三人兵法九人通糧四人奪威四人鼓  
旗三人股肱四人通才三人權士三人耳目七人  
爪牙五人羽翼四人游士八人偉士二人法筭二  
人方士二人軍中有大勇敢死樂傷者聚為一卒  
有勃氣壯勇強慕者聚為一卒有破格舒鈎強梁多力  
孤接武齊列者聚為一卒有破格舒鈎強梁多力  
能潰破金鼓絕滅旗旗者聚為一卒有破格舒鈎強梁多力  
遠輕足善走者聚為一卒有故王臣失勢欲復見  
其功者聚為一卒有死下之人昆弟為其將報讐  
者聚為一卒有貧窮忿怒將快其志者聚為一卒  
有故贊聳人虜欲昭迹揚名者聚為一卒有故  
言巧辭善毀譽者聚為一卒有故異麾免罪之  
欲逃其耻者聚為一卒有才智過人能負重行  
百里聚為一卒夫卒強將弱曰施吏強卒弱曰  
兵無選鋒曰北必然之勢矣故曰兵衆執強士  
熟練知之者勝不知之者不勝不可忽也

市馬

演繁露云市馬吐蕃古記無載然已有其事

鹽鐵論曰齊陶之縑南海之布中國以一端縑得  
• 匈奴累金之物驢騾駃駝可使銜尾入塞則漢世  
已常出縑帛賔馮塞外矣頃其時虜未知有陶縑  
帛實價故得出其縑一布而得累金之物至唐世  
則病其酬帛之多矣今按互市所得馬皆瘦不堪未足當所市其貢物尤甚  
可笑云○宋人歲幣和我本是無如虜何只得  
以金帛買住使不為患今之茶馬徒有互市之名而  
實受宋人歲幣之害  
此亦積弱之漸也

疆識畧十六卷終